

O Grupo Parlamentario de En Marea, por iniciativa do seu deputado **Manuel Lago Peñas** e ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate en Pleno**.

A pobreza laboral e a desigualdade xa son unha realidade no mercado de traballo en Galicia e no resto do Estado.

O aumento da contratación temporal e a tempo parcial está provocando un profundo deterioro salarial nos tramos de ingresos máis baixos.

Este tipo de traballo precario en activades de baixo valor engadido é o culpable, en grande medida, da volta da triste figura do traballador pobre, algo que xa deixáramos atrás no tempo escuro da ditadura pero que volveu ser unha realidade ominosa nunha sociedade democrática.

É certo que a determinación dos salarios deriva tanto da estrutura económica, sectorial e empresarial dun país e tamén da responsabilidade dos empresarios e os sindicatos que son os que os negocian. Pero tamén o é que os poderes públicos ten un instrumento de enorme potencial para evitar a situación de pobreza laboral: o Salario Mínimo Interprofesional.

A día de hoxe o SMI é de 655,20 €, unha cantidade moi baixa, que non se corresponde co nivel económico de España, e que coloca a que o cobra moi próximo ao umbral da pobreza.

Polo exposto, o Grupo Parlamentar de En Marea, presenta a seguinte Proposición non de lei:

O Parlamento de galego insta a Xunta de Galicia a apoiar a Proposición de lei que se está tramitando no Congreso dos Deputados que inclúe a subida do salario mínimo interprofesional a 800 € mensuais en 2018 para chegar ata 950 € mensuais en 2020.

Santiago de Compostela, 25 de novembro de 2016.

Asdo.: Manuel Lago Peñas

Luís Villares Naveira

Deputado e portavoz do GP de En Marea.